

POLIZIA OPERAZIOAK GIPUZKOAN ETA BIZKAIAN

Guardia Zibilak eta Ertzaintzak hamazazpi gazte atxilotu dituzte

Guardia Zibilak bederatzi lagun atxilotu ditu Tolosaldean, eta Ertzaintzak zortzi Ezkerraldean; kale istiluak leporatu dizkiete

Atxilotuen gurasoek eta senideek polizia operazioetan jasan behar izan zuten tratatu txarraren berri eman dute

«Frankismo garaiko sarekadekin» parekatu dute Tolosaldeko alkateek, eta atxilotutako gazteak askatzeko eskatu dute /6-7

ESPAINIAKO KULTURA SARIAK

Unai Elorriaga Espainiako Narratiba saridun

Espainiako Grabatu Sari Nazionala, berriaz, Unai San Martinek jaso du

*SP*Prako tranbia lehen eleberriarekin Espainiako Narratiba Sari Nazionala eskuratu du Unai Elorriaga idazle gazteak. Atzo jakinarazi zuten epaia, eta Elorriagaren eleberrian Cortazar, Rulfo eta Borges en eragina ikusi diote epaimahaikideek. Bernardo Atxagaren *Obabakoak* zen orain arte sari hori lortutako euskal eleberri bakarra. Grabatu alorreko saria ere beste euskal artista batek jaso du, Unai San Martinek, *Figura* obrarengatik. /42-43

UNAI ELORRIAGA: «Sariaren ondoren, beldurra ematen dit bigarren eleberria kaleratzeak»

UNAI SAN MARTIN: «Figura lan irekia da, indar handikoa»



LUIS TEJIDO / EFE

Unai Elorriaga, atzo, Algortako bere etxean.

IRLANDA

Trimblek aste bat eman dio Blairri Sinn Fein Gobernutik kanporatzeko

Hala egin ezean dimisioa aurkeztuko duela adierazi dio; alderdi nagusiekin hitz eginda erabakiko du Londresek zer egin /26

IBARRETXEREN PROPOSAMENA

ELAk ontzat jo du ekimena, baina jarrera aldatzeko eskatu dio EAEko lehendakariari /8-9

EUSKARA

Helduen euskalduntzerako bideragarritasun plana iragarri du Jaurlaritzak /14-15

KULTURGINTZA

Ipar Euskal Herriko artistek Hitzarmen Bereziko kultur arloko antolaketa salatu dute /45